

四庫全書

經部

欽定四庫全書

經部
三禮圖卷三

詳校官侍郎臣謝墉

給事中臣溫常綬履勘

總校官編修臣王燕緒


校對官學正臣翁樹棠

謄錄監生臣虞奕璵

繪圖監生臣曹源崙


欽定四庫全書

三禮圖卷三




明
劉績
撰

章本見註衣長衣麻衣中即衣深




王后六服制類深衣但侈袂加繡翟耳其色各不同說
見玉藻

大帶說見玉藻



端 玄




五冕服同玄端但加繪繡其數不同有等耳

古者衣內即裹
不結此小帶則
為裘之裼也見
美也結此小帶
則為服之襲也
充美也若袒則
極左袖於右腋
帶內曰左袒
右袖於左腋
內曰右袒

裳

帷



端裳無等上下
通服士齋服有
素端士昏禮纁
裳緇袍曲禮大
夫去國素衣素
裳素冠徹緣纁
纁云練衣黃裏
緣綠喪服齊衰
章帶緣各視其
冠則吉服皆有
緣凶服自齊衰
期以下方有緣
也

之為皮黑以祛無則裘大




文黼為雜白狐與羔裘黼




詩羔羊之皮素絲五紕羔羊之革素絲五緇羔羊之縫
素絲五總䟽謂素絲飾裘縫中按傳曰五絲為緇倍緇
為升倍升為緇倍緇為紕倍紕為緇倍緇為緇此自少
之多自微至著也緇即總字紕寫訛為紀故先儒訓誤
餘見玉藻

天子火龍直


釋注見玉藻




諸侯火山前後方



大夫山前方後拙角



士龔韋前後正



革


帶



革帶編皮為之博二寸以繫鞞佩骨語矢集於桓鉤則革帶有鉤以拘之後代謂之鉤觿即螳螂鉤也唐以玉為之

佩


褱



賈以蠙珠珠之有聲
者也或曰蚌之別名


爾雅佩謂之褱琚琚一
也或大珠或雖用瑤石
詩言瓊琚則佩之美者
瑤石之次玉者琚恐同
琚方也以佩玉故從玉
缺或琚方或瑤皆可也
錢氏謂二組相交之處
以物居其間交納而拘
捍之故謂之琚近是朱
子分為二以瑤在兩旁
之中恐非

幅



幅詩赤芾在股邪幅
在下鄭氏曰偏束其
脛自足至膝故曰在
下蓋以幅帛邪纏於
足故謂之邪幅所以
自偏束也故謂偏偏
即膝約之也故漢謂
之行膝惟婦人無幅

屨



士冠禮屨夏用葛玄端黑
屨青絢總純純博寸素積
白屨以魁拊之縹絢總純
純博寸爵弁纁屨黑絢總
純純博寸冬皮屨可也不
屨總屨鄭氏曰屨順裳色
玄端黑屨以玄裳為正也
絢之言拘也以為行戒狀
如刀木異在屨頭總縫中
糾也純緣也三者皆青博
廣也魁蜃蛤拊注也爵弁
屨以黑為飾爵弁尊其屨
飾以績

制服義

小記親親以三為五以五為九上殺下殺旁殺而親畢
矣上親父三年祖父期下親長子亦三年適孫期庶則
各降一等以親祖故曾高皆齊衰三月以親孫故曾玄
皆總麻三月己之昆弟期從父昆弟大功從祖昆弟小
功族昆弟總服至此而皆竭矣凡女子在家與男子同
出嫁則於旁親降一等其旁親以有受我而厚者為之
服亦降一等以無二軼又降其父期父則以親屬仍大

功本服若無主被出則皆仍在家本服男子為人後亦同但女子有歸宗之道獨於昆弟為父後者不杖期年凡此皆親親出入義也若為大夫尊不同於旁親皆降一等諸父昆弟庶子有為大夫者姑姊妹女子子適大夫為命婦者尊同則仍本服命婦無祭主仍在家服大夫妻體君同大夫降妾事女君與舅姑等皆從女君服妾之父母子世叔父母姑姊妹以不體君各遂本服蓋大夫妻皆不服妾私親惟庶子大功且士妾亦然大夫

庶子父在則從父降一等母妻昆弟皆大功父沒則得伸無厭矣又徒從服君母之黨君母卒則不服若為諸侯則始封之君不臣諸父昆弟封君之子不臣諸父而臣昆弟封君之孫盡臣諸父昆弟凡臣則絕旁親不服而旁親皆同臣服斬衰三年姑姊妹從夫服齊衰期若諸父昆弟為諸侯姑姊妹女子子嫁國君尊同則亦仍本服夫人體君同諸侯絕公妾不體君為子期及遂私親猶大夫妾也諸侯庶子從君為昆弟無服母妻不過

為之練冠麻衣父沒猶為餘尊厭不過大功諸父昆弟
以下公子之重視大夫自以其重降一等若為大夫尊
同則亦不降矣天子其尊無對通臣而絕焉凡此皆尊
尊別卑義也惟曾祖至曾孫自天子至庶人皆不降絕
宗子自大夫以下五月外皆服齊衰三月正體一本義
也男子於昆弟有服而昆弟妻無服推而遠之也婦人
於夫昆弟無服而昆弟妻有服同居室生親也長殤中
殤降一等下殤降二等未成人也從母服其父母昆弟

姊妹及其子從妻止服其父母尊卑殺也外親本皆總
以尊加外祖父母小功以名加從母夫婦小功耳

本宗九族圖

所謂四世也
總服之窮也

族曾祖父 總
族祖父 總
族父 總

即曾祖堂弟從祖祖父 小功

從得 小功

從祖昆弟 小功
從祖昆弟 總

以服差之為子期為孫
大功則為曾孫亦宜小
功今則總者以曾孫為
已齊集三月故以為之
總麻三月不分適庶以
卑遠尊之也

世叔父 不杖
期

從父昆弟 大
從父昆弟 總

從父昆弟 孫 總

昆弟 不杖
期

昆弟之子 不杖
期

昆弟曾孫 總

高祖

父俾衰
父齊衰
父不杖

父不杖
父不杖

父不杖
父不杖

父不杖
父不杖

父不杖
父不杖

父不杖
父不杖

父不杖
父不杖

父不杖
父不杖

父不杖
父不杖

父不杖
父不杖

母 期
無服

昆弟婦 無
昆弟婦 總

其婦 總
其婦 總

其婦 總
其婦 總

世叔母 不杖
期

從父昆弟 大
從父昆弟 總

從父昆弟 孫 總

從父昆弟 孫 總

從祖母 小功

從祖昆弟 小功

從祖昆弟 總

從祖昆弟 總

族母 總

族昆弟 總

族昆弟 總

族昆弟 總

族母 總

族昆弟 總

族昆弟 總

族昆弟 總

族母 總

族昆弟 總

族昆弟 總

族昆弟 總

凡女在家同
男子出嫁降
一等為人後
者用

三月皆同
叔嫂無服

按婦人於夫之諸祖父
母報總則諸祖於諸孫
婦亦總也道有曾玄孫
凡無服中係說非

變父母大夫士妾母服圖

所後大宗父母

若子其本生父母期兄弟大功其妻為先舅姑大功

庶子為父後

為母總有死於宮中者則為三月不祭故也母黨無服為君母如母從服君母卒則不服

繼父

彼此無大功親同財而祭其祖禰為同居齊衰期有主後為異居齊衰三月

繼母

齊三年又在期父卒繼母嫁杖期服

慈母

齊三年父在期為慈母之父母無服

君子子為庶母慈己者

小功大天為貴妾總

士為庶母

總大夫以上無服士為妾有子者總

乳母

士服總大夫之子父後乃服

從服母黨圖

外祖

父小功加母尊加

舅從服

出長之子則於外祖父母無服為體
母之黨服母死則為其母之黨服為體
為母之黨服母死則為其母之黨服為體
從母從服小功君母不為君母之黨服不
從服女君之黨女君死亦然攝
女君則不為先女君之黨服

舅之子從服

母

從母丈夫婦人

已外祖為外孫總舅報舅總舅子報姑子
總從母報姊妹之男女小功其子報總

外親之服皆總也以有祖父母之尊加外祖父母小功有從
母之名加從母夫婦小功於舅不加者以母而及從母又及
其夫猶以父而及從父又及其妻餘皆踈遠也

從服妻黨圖

妻雖至親然卑也故止及父母而已

妻

父總妻期而從總降三等也妻從夫降
母一等子從母降二等夫從妻降一等

為壻

服

妻從服夫黨圖

夫之所為兄弟服妻降一等惟夫之昆弟不從服夫之昆弟之子服男女乃所生非從服其姑姊妹皆從出嫁大功而不從任家期者是輕累也姑則從三年而不從期云

夫從祖祖父

總報從祖父

從祖昆弟

從祖昆弟

夫世叔父

從父昆弟

從父昆弟

夫昆弟

昆弟子

昆弟孫

夫之姑

夫姊妹

夫昆弟女

夫新三年

子

孫

曾孫

夫曾祖

夫祖父

舅

夫

子

孫

曾孫

夫後祖從服期

姑

已

婦

孫婦

曾孫婦

弟

昆弟子

昆弟孫婦

孫婦

從父昆弟妻

從父昆弟子

從父昆弟孫婦

孫婦

夫從祖母

夫世叔母

從祖昆弟

從祖昆弟

從祖昆弟

從祖昆弟

當同前相與同室生總之親

大宗小宗圖

小宗為大宗後則如所後如子而本親降一等凡宗子親未盡者各以其服服之親盡者丈夫婦人為宗子宗子之母妾齊衰

三月宗子母在則不為宗子之妻服

諸侯

繼世

君

君

君

五廟之孫祖廟未毀雖及庶人冠娶必告死必赴女子嫁則教於公宮三月祖廟已毀則教於宗室

別子為祖

繼別為宗

大宗

大宗

大宗

大宗

百世不遷

禰

小宗

繼禰

小宗

繼祖

小宗

繼祖

小宗

繼曾

小宗

繼高祖

主世遷

禰

小宗

繼禰

小宗

繼祖

小宗

繼高祖

小宗

繼高祖

繼高祖

禰

小宗

繼禰

小宗

繼祖

小宗

繼高祖

繼高祖

禰

小宗

繼禰

小宗

繼高祖

繼高祖

禰

小宗

繼禰

小宗

繼高祖

天子王后

諸侯夫人

公卿大夫士

王朝公卿大夫士外諸侯
為天子斬衰三年妻皆從
服期為王后齊衰期旁親
諸父昆弟姑姊妹女子子
嫁於王臣及諸侯亦然昏
義為天王服斬衰服父之
義也為后服齊衰服母之
義也卿大夫適子為太子
亦如士服斬衰惟諸侯世
子不服諸侯之大夫接見
服總衰既喪除之畿內民
齊衰三月畿外不服

卿大夫士為諸侯服斬衰三
年妻從服期為夫人不杖期
旁親諸父昆弟姑姊妹女子
子嫁於大夫者亦然大夫之
適子為君如士服斬衰寄公
大夫致仕皆與民同齊衰三
月大夫在外其妻與長子為
妻皆從服為之
舊君齊衰三月
○仕而末受祿者違而君薨亦為服也還大夫之諸侯違侯
侯之大夫不反服服間君為天子三年夫人如外宗之為君也世
子不為天子服大夫之適子為君夫人太子如士服五世諸侯
雖為天子臣然分理天下故天子之卿大夫士服君服諸侯之
卿大夫士服君服諸侯之子猶畿外之民故不服天子

臣從君服

君祖父母

齊東不杖期君為祖從斬然後從服

君之父母

齊東不杖期致世齊東三月

小君

齊東不杖期致世齊東三月

世子

齊東不杖期

按君之父祖雖曾為君既老而傳嗣君在位猶臣致仕

故無二斬但從君而已先儒說皆非

天子諸侯於臣無服但吊服公卿大夫於貴臣則總

天子

為三公卿錫衰弁經為諸侯總服間公為卿大夫錫衰以居出亦如之當事則

貴臣錫衰弁經為大夫士疑衰弁經大夫相為亦然為其妻往則服之出則否

按正君雖於臣無服然非忽然無情君與大夫皆弔大夫士之喪喪

大記曰大夫世婦大斂焉為之賜小斂焉於外命婦既加蓋而君至於士

既殯而往為之賜大斂焉夫人於世婦大斂焉為之賜小斂焉為諸妻

為之賜大斂焉於大夫外命婦既殯而往○君於大夫疾三問之在殯

三往馬士疾一問之在殯一往馬按士喪禮君視斂坐撫當心要節而

踊正加恩賜者也

新衣三年始死

年突視得喪

既練視大功

大祥視小功

禫視絕

冠六升鍛而灰

冠七升有緣

冠仍七升但練有用瑱

緇冠素紕

緇冠衣衣衣

衰三升

衰六升

衰仍六升但練線緣

祥祭朝服既

以祭既祭易玄

既履少

有束

有束橫

祭衣麻衣

冠無所不佩方

苴經大楬圓九寸

婦人易葛經七寸二分

男子除首經婦人

婦人除經

言繻白之細青

左本在下

男子不易

不除

男子除帶

謂之繻布帛之

帶去五分之一圍

男子易葛帶三股

婦人除帶男子

男子除帶

細青曰練祭晉

寸二分以繩為升

五寸七分七釐婦人

不除

杖斷而累之

曰麻則縗乃縗

紐竹杖大如腰經

不易虞杖不入室

杖仍

杖斷而累之

冠之細者非黑

管履外紡

衽杖不升堂

繩履無紃

白履無紃

經白緯也

倚廬寢苦枕塊居宮

鹿削菲

居堂寢有席

居復寢

禫而沐從御几

之大夫士皆倚廬

柱獨剪屏半剪未納

始食菜羹飲水漿無鹽

食有醯醢

寢苦

三日不食既殯食

君大夫士皆宮之

始食菜羹飲水漿無鹽

食有醯醢

寢苦

粥朝暮一溢米

既食水飲不食菜果

酪不能食鹽酪可也

食乾肉

飲醴酒

齊衰期年始死

冠七升

衰四升

牡麻經右本在上

七寸二分

麻帶布并紐五

寸七分六釐

削杖如腰經

麓削菲

居聖室半剪不

納二日不食疏食

飲不食菜果母

則同斬衰

卒哭視大功

冠八升

衰七升

婦人易葛經五寸

七分六釐男子不易

男子易葛帶四寸三

分八毫婦人不易

虞不入室袒不升堂

繩履無絢

御子肉

食肉飲酒父在

為母為妻則不

食肉飲酒終喪

十月練視小功

練冠

練衰

男子除經婦人不

除

婦人除帶男子不

除

杖仍

白屨無絢

十一月祥視總

縞冠

祥祭朝服既祭麻衣

婦人除經

男子除帶

斷而棄之

十二月

同前斬衰

不御子肉

大功九月始死

冠十二升齊衰大功冠其受也

衰九升

牡麻經五寸七分六釐

帶四寸三分釐大功以上

散帶

繩屨

寢有帶不居堂室三不

食不食鹽醬

三月卒哭視小功

仍十二升

衰十一升

經易葛四寸三分釐所謂三月

受以小功衰即葛九月者

帶易葛三寸八分四釐

惟婦人不葛帶仍麻

白屨無絢

三月不御內次外寢耳

既葬食肉飲酒不與人樂之

十月祥視總 十月禫

緇冠

同前小記除殯之

喪者其祭也必玄

除成喪者其祭也

朝服緇冠大功八

升小功十升皆

殯服也

大功以下無杖孤

卿大夫凶服加大

功小功士亦如之

又加總焉

小功五月始死

左縫冠十一升無受

衰十一升無受

既葬即葛

六月祥

壯麻斷不經四寸三分八毫

經易葛三寸八分四釐六毫六絲

除

絞垂深麻帶三寸八分四釐六毫六絲

帶易葛三寸二分九釐九毫三絲

除

毫六絲

吉白屨無絢

寢有牀

再不食

比葬飲酒食肉不與人樂之

總三月始死

既葬除之

縗纓冠十五升加灰而灑治之

衰十五升

斷本經三寸八分六釐四毫八絲

寢有牀

一不食

比葬飲酒食肉不與人樂之

士喪禮主人乘惡車白狗羆蒲蔽御以蒲蔽大服木棺
約綏約轡木鑣馬不齊髦主婦之車亦如之䟽布祔貳
車白狗搨服其他皆如乘車周禮王之喪車五乘木車
蒲蔽大褊尾橐䟽飾小服皆䟽素車琴蔽大褊素飾小
服皆素藻車藻蔽鹿淺褊草飾駟車翟蔽然褊繫飾漆
車藩蔽犴褊雀飾按木車無飾始死所乘蒲蔽蒲席為
飾也大褊白狗皮為羆也尾橐又以為兵服古者兵置
笄間䟽飾以麤布為二物之緣也其餘兵服皆以䟽為


之鄭氏謂尾橐以尾為弋戟之弋小腹刀劍短兵之衣
理或然也素車以白土塗車也卒哭所乘芻蔽即莞席
也素白布也藻車畫文如藻小祥所乘也藻蔽削蒲弱
展之編以五米若合歡席也鹿淺幣以有尾鹿皮為之
也革飾始用皮為飾也駟車邊側有漆飾也大祥所乘
翟蔽細葦席也然果然獸皮也繁黑也漆車墨車也禪
所乘藩蔽竹席也豸胡地犬也雀赤黃色喪車無等上
下同

斬衰經



苴麻左本在下同冠
之右縫以二繩扎經
交合處為纓首經之
免猶腰經之散垂也
故纓無散絞焉惟中
殤以下不纓經耳冠
之繩纓屬武結於項
後經之纓則結於頤
下

絞帶即腰經



散帶垂長三尺無事則絞

斬衰至大

功初皆散

垂至成服

絞將葬復

散葬畢復

絞

管

屨



管屨即今粗芒

鞋但草頭在外

反吉耳及喪屨

皆無絢無綦

竹
杖




下本反吉

齊 衰 經



牡麻右本在上大
功以下皆同惟有
大小異小功斷本
耳惟弔則環經
一肢纏耳

布帶即腰經



散同斬惟婦人

之帶及小功以

下經本耳所異

者布帶大功以

下同

䟽

屨



蔗蒯屨即今梢細
芒鞋亦草頭在外
耳爾雅蒹蒹名註
以為皆蒹葭之屬
濮氏曰蒯與菅皆
若也黃華者俗名
黃芒即蒯也白華
者俗名白芒即菅
也大功用繩屨即
麻屨小功吉屨無
絢

削 杖 亦 圓



下本反吉


几吉杖下

未曲禮獻

杖者執未


是也

冠



以一幅麻布直縫三版其版
 版在上曰右縫針跡在外
 曰外縫齊衰以下則兩邊
 用布緣之小功則左縫如
 常不外縫隨人首大小中
 屈為前後其版中入多而
 下入少則上小下大矣左
 右縫合取圓用薄皮為胎
 或糊紙亦可即古緇布冠
 之反也但小而版帖不起
 曰厭冠先儒何據而廣止
 三寸諸侯以上則麻升冒
 子問居薨其殯服則子麻升經
 既表非杖是也大夫弔則升細


武



用麻布為武狹於吉曰條
斬衰皆布非謂繩也蓋象
縮布冠之缺項隅有四綴
以固冠而連之至後兩端
為紐以左右編貫結之於
後曰屬武所謂喪冠不綏
綏謂垂於前為飾齊衰以
下左右用布貫曰布纓先
儒註皆誤

衰


制



按衰制不言領當如
深衣曲袷以四寸布
褶為一于其兩端當
宵折為今棋盤領其
下則有小帶衰無等
周禮不蚤者不帛不
績者不衰則凡衰皆
麻布下於帛喪衰之
麗生而下於吉者也

裳

制





斬不緝

邊齊以

下緝邊

但布有

疏細



喪服傳云凡衰外削幅裳內削幅幅三衽若齊裳內衰外負廣出於適寸適博四寸出於衰衰長六寸博四寸衣帶下尺衽二尺有五寸袂屬幅衣二尺有二寸袷尺

二寸


削幅謂縫成衣裳而去邊也衽者辟兩側空中央即今馬牙褶也祭服朝服裳辟猶無數喪則每服

為三衽而已古者衣重裳輕凡衰外削幅者所以反吉之制猶冠外卑屨外納杖下本義也裳不變畧其輕亦如子姓縞冠玄武重上畧下義又裳反吉則左衽矣惟夷狄與死者左衽若齊裳內衰外謂緝齊縫者亦如此也鄭氏曰負在背上者也適領辟也負出於辟領外旁一寸博廣也辟領廣四寸則與闔中八寸也兩之為尺六寸也出於衰者旁出衰外不著寸數者可知也按衰以布二幅各長四尺四寸縫合三尺二寸為背後就此

左右各下前面八寸各裁入內寸反褶向外為領口所謂辟領即適也猶爾雅飢餓謂之覺意或曰當長短適中也適則左右領口背重而前後俱單故以布廣五寸長一尺八寸綴於後背上為負除門中與適一尺六寸仍兩端出外各一寸其博比適亦長一寸即今之托肩所謂負廣出於適寸也又以布二條博四寸長六寸令綴於前背為袞適短於負袞又短於適以漸差袞故曰袞則通左右各出袞一寸所謂適博四寸出於袞袞長六寸博四寸也蓋前有袞後有負左右有適領四皆重裁便於加領而無紱邪吉服玄端則皆在內所謂方領也以凶故反在外耳非有他義又以布半幅隨人腰大小周圍綴於衣下殊袂為腰加帶於上以同衣猶冠之有武以同冠亦上從下橫所謂衣帶下尺也袼所以掩裳際也以深衣例之以一幅布長二尺五寸邪裁上廣八寸下廣一尺二寸為二袼連於六幅裳之兩端其闊頭皆在下交掩以妨足動撥間蓋私裳後與左右皆連

而前交掩故士喪禮懸高于重罽用蓆席北面左衽帶用鞶帶之結於後是也言衽二尺五寸則裳之長可知而吉衽又不止二尺五寸矣此通論衰之長故先言衽袂衣袖也屬幅以一幅布連於衣而無加也袂袖口也謂以布一幅各長四尺四寸分中褶為左右袖各連於衣至袖口則取圓惟一尺一寸蓋喪衰即玄端之反也則去飾不為禮故袖短袂立端侈袂而此不侈袂為異耳

婦人衰制
 上下不殊
 衰裳如深
 衣無帶下
 又




括髮以麻



括髮以布

免



舊說如冠狀婦


人名總比此稍

高斬衰六寸齊

衰八寸

吉筭尺二寸


用象折首



惡筭長尺有

首斬裹用箭

齊裹用櫛



小記曰斬衰括髮以麻為母括髮以麻免而以布齊衰
惡筭以終喪男子冠而婦人笄男子免而婦人髻其義
為男子則免為婦人則髻按士冠禮緇纁纁廣終幅長六
尺後世謂之慘頭即今之包紗所以斂髮束於頂上為
髻古之髻在後莊生以脊曲項縮者會撮指天是也親
始死則以麻代之衰殺則以麻布為之未嘗有不作髻
者其髻吉則用黑緇為總以韜之喪則用麻布為總婦
人則但簪笄而已故喪仍名為總其制高男子則笄總

而又冠喪則去冠故名免其制卑春秋傳使太子綽又作挽身袒去衣則首免去冠曲禮曰冠毋免勞無袒是也問喪謂為免以代冠先儒音問皆非也後世謂之幘卑賤不冠執事者所服方言云覆結間之幘巾或謂之承露或謂之覆髻

今結龍髻音菜

是也今道家巾其遺制歟鄭

氏曰免制未聞舊說如冠狀廣一寸按如冠狀是矣廣一寸豈足以韜髻恐五字誤古五寸今三寸半也

筭




布


巾

方二尺二寸
覆死者面


掩



幙目掩其目曰幙



握手



簪筭用木長四寸纓中孔氏纓中者兩頭濶中央狹也簪筭則不復出墜矣死者不冠惟筭而已婦人則但簪而又無筭

布巾環幅不鑿鄭氏曰士親含反其中而已大夫以上賓為含當口鑿之設巾覆面為飯含遺落米也既含則不用而同楔齒之木櫛餘亂髮斷手足爪同理之


掩練帛長五尺析其末鄭氏曰掩裹首也析其末為將結於頤下又還結於項中

幘目用緇方尺二寸經裏著組繫鄭氏曰幘目覆面者也著克之以絮也蓋四角皆有組繫皆於後結之


握手用玄纁裏長尺二寸廣五寸牢中旁寸著組繫又云設握裏親膚繫鉤中指結於擘按周禮翟車有握亦作幄字帷幄古同握擘今文作腕人腕骨至中指長八寸半右手有纁極故長尺有二寸側手為膚廣四寸又加大指焉故廣五寸蓋為籠以幄其手至旁寸而止如環山於有牢之牢克之絮而繫之組繞手鉤中指而結

於腕也擎古腕字


質




殺



夷 盤



几 燕



士喪禮冒緇質長與手齊經殺掩足冒既襲韜尸二囊也冒上身者方正故曰質冒下身者漸狹故曰殺與手齊掩足准死者身而為之初無寸量也君則錦冒黻殺綴旁七大夫則玄冒黻殺綴旁五士緇冒經殺綴旁三質長與手齊殺三尺


周禮凌入大喪供夷盤蓋置尸牀下禮第以寒尸如尸之牀曰夷牀衾曰夷衾皆依奉尸俛于堂而言喪大記君設大盤造冰馬大夫設夷盤造冰馬士併瓦盤無冰

漢禮大盤廣八尺長丈二深三尺赤中夷盤小焉

士喪禮綴足用燕几杖在南御者持之古几猶今道家之几形如半環三足坐則曲者向身可以憑以曲者兩端著地故綴足御者一人坐持上足也語林曰直木橫施植其兩足便為憑几何必以踏鵠膝曲木抱腰則直几後世之制也阮諶云几長五尺高二尺廣二尺馬融以為長三尺舊圖以為几兩端赤中央黑

衣

明




士喪禮明衣裳用幕布袂屬幅長下膝有前後裳不辟
長及鰲繅繹錫緇純按幕布為帷幕者燕禮幕用絺若
錫則此用錫布也袂屬幅不繼揜尺也長下膝如喪服
帶下一尺今用全幅二尺二寸故下膝也凡裳皆七幅
為辟積於腰以便著今死者恐斂有高低故不辟腰間
也繅赤黃也飾裳在幅曰繹在下曰錫緇黑色也純則
內外皆飾衣領與袂下皆是也

士喪禮沐浴蚤揃如他日簪用組乃筭設明衣裳云用

組則死者無繼總矣云設明衣裳則此乃近身服不在
筭矣及奠貝於尸西奠米於貝北云主人左扱米實於
右三實一貝左中亦如之又實米惟盈則上古質用貝
所謂天子九貝諸侯七大夫五士三是也周禮則典瑞
大喪供飯王含玉大夫以上不用貝焉又云商祝掩設
瑱設悞目乃履綦結于跗連紉乃襲三稱明衣不在筭
設韜帶搢笏設決麗于擘自飯持之設握乃連擘設冒
橐之幠用衾則先以掩裹首以白纁為瑱塞耳設悞目


而蔽其面焉遂著屨然後遷尸於襲牀而襲三稱服其
大夫五諸侯入天子九也鄭氏曰擘手後節中也飯大
擘指本也決以爲之籍有彊彊內端爲紐外端有橫帶
設之以紐環大擘本也因省其彊以橫帶貫紐結于擘
之表也設握者以綦繫鉤中指由手表與決帶之餘連
結之此謂右手也古文麗亦爲連擘作腕按擘腕鄭氏
之說非也謂以帶繞腕而結於大指後也



士喪禮重木刊之鑿之甸人之重于中庭參分庭一在南夏祝鬻餘飯用二鬲于西墻下霤用疏布久之繫用鞶懸于重霤用葦席北面左衽帶用鞶賀之結于後祝取銘置于重註鞶竹筥也以席覆重辟屈而反兩端交於後左衽西端在上賀加也士二鬲則大夫四諸侯六天子八與盥同差按鬻飯盛于鬲疏布霤其口外又用竹桁如械掩口使不脫即蓋也故曰久用篋懸于重人嗜惟飲食故鬻飯之餘懸以象之也左衽象死者之衣

左衽也以篋巾束其席如人之帶然蓋重主道也故言
面言衽言帶以義云為銘各以其物無則以緇長半幅
經末長終幅廣三寸書銘于末曰某氏某之柩竹杠長
三尺則大夫五尺諸侯七尺天子九尺重亦同之既殯
則銘置於殯

衾



小斂緇衾頤裏無統所謂

君錦衾大夫緇衾士緇衾

是也大斂亦如之但加禭


給五幅無統以薦下耳

夷衾

君錦上黼下	大夫玄上黼下	士緇上綌下	衾當如冒
-------	--------	-------	------


始死輿用斂衾既襲亦同至小斂後用夷衾夷衾質殺之裁猶冒也既夕禮商祝拂柩用功布輿用夷衾又名牆以水為裁而衣之障柩如垣牆故曰牆畫其上為諸節聚曰柳窆則間器與芑簣曰見如見以肅光之見



絞



小斂布絞縮者一橫者三
 氣在絞之上衣在氣之上
 然後遭尸於衣上而斂焉
 取方故衣有倒者惟祭服
 不倒至大斂則縮者三橫
 者五氣不足以裹故以紵
 在下而以氣上覆焉


見即柳種
作翼箕






柳木似井而
可折故曰折


折




抗木縮二橫三




抗席三



茵縮二橫三



華
苞




檀弓云天子柏槨以端長六尺以柏木黃心橫累棺外頭皆向內漢謂之黃腸題湊每段方一尺長六尺則天子之槨厚六尺矣夫子制中都四寸之棺五寸之槨則庶人直累矣士喪禮既井槨則皆直累矣以合而可折故曰折最下者為牙次上為孔以合然後完固其他皆然以其有牙故陳器云折橫覆之則牙在下矣

加茵用䟽布緇剪有幅亦縮二橫三又云茵著用荼實綏澤焉蓋染淺緇色䟽布上下縫合為之而重幅其中


實三物註茶茅秀也綏廬薑也澤澤蘭也皆取其香且御濕

葦苞長三尺一編用包遺奠牲體簫制見前士管簫三其實皆龠黍稷麥但以管草為之小而柔可藏槨內也凡葬先用茵於下藉棺然後窆贈用制幣玄纁束藏器於旁加折卻之加抗席覆之加抗木實土則折為槨其制可知而先儒俱說夢矣

嬰



說見喪大記君戴
圭大夫士戴綬



茅



大夫御棺用茅春
秋傳曰前茅慮無
蓋茅亦如羽葆制
而但結茅耳鄭伯
左執茅旌又可下
注為旌矣

羽葆



君御棺用羽葆

又名纛弱禮鄉

師及葬執纛兩

雅纛弱也鄭氏

曰以指麾輓柩


之役正其行列

進退


荀子曰喪禮者以生者飾死者也。大象其生以送其死也。故如死如生如存如亡。終始一也。始卒沐浴鬻體飯含象生執也。不沐則濡櫛三律而止。不浴則濡巾三式而止。充耳而設瑱飯以生稻含以槁骨反生術矣。說襲衣襲三稱緇紳而無鉤帶矣。設掩面儼目鬻而不冠笄矣。書其名置于其重則名不見而柩獨明矣。薦器則冠有蓋而毋縱缺。廬虛而不實有簾席而無牀第。木器不成用陶器不成物。薄器不成內。笙竽具而不和。琴瑟張

而不均與藏而馬反告不用也具生器以適墓象徙之道也畧而不盡貌而不功趨輿而藏之金草轡鞞而不入明不用也象徙道又明不用也是皆所以重哀也故生器文而不功明器貌而不用

主




柘



士虞記曰桑主不文吉主皆刻而諡之公羊傳虞主用桑
練主用栗何休注主狀正方穿中央達四方天子長尺二
寸諸侯一尺衛次仲云宗廟主皆用栗右主八寸左主八
寸廣厚三寸若祭已則內於西壁牆中去地一尺六寸右主
謂父左主謂母也白虎通亦云藏主西壁左傳典司宗祫
又曰孔悝反祫於西圃下云得祫于橐中注宗祫宗廟中
藏主石室正義曰宗祫者於廟之北壁內為石室以藏木
主有事則出而祭之既祭納於石室祫字從橐神之也按

何衛二說相須始備天子尺二寸諸侯一尺大夫八寸士六寸
廣厚三寸者粟主也正方穿中央達四方者備火災之室
櫝也說文云宗廟石主也從主聲徐曰以石為藏主之櫝也
左傳反柝主本作素字假借作主是也先儒謂正廟之主
各藏其室西壁之中遷廟之主藏於太室北壁之中去地二
尺六寸蓋有所授之也五經異義謂大夫士無主大夫結
帛依神士結茅為蔽先儒遂訛魂帛之說非也士虞禮
直刺茅長五寸束之實于篚乃不忍死親代所俎者也



天子珽以
球玉即大
圭長三尺

上殺半寸中博三寸

諸侯荼前

詘後直長

二尺六寸

以象

中博三寸上下殺半寸

大夫士笏前後

詘長二尺六寸


大夫以魚須文

竹士竹本象可也

考工記曰大圭長三尺杼上終葵首天子服之鄭氏曰終葵椎也於其杼上明無所屈也杼綢也相玉書曰琕玉六寸明自炤按杼如考工記輪澤行欲杼之杼謂削簿輪踐地者若圭則削簿上而貫六寸首焉玉亦無如是之長故接之也周三尺今約有二尺也荀子曰天子御珽諸侯御荼大夫服笏管子曰天子執玉笏以朝曰則上下通名後世謂之手板方言云燕記曰豐人杼首杼首長首也楚謂之杼

音序


燕謂之杼又因此而訛也




天子鎮

圭尺有


二寸



公 主 寸
櫃 九




侯
圭
七
寸
信



伯 圭 寸
躬 七

子蒲壁五寸




刻文蓮

蓮如蒲

花敷時

男穀璧五寸




刻文如


粟粒

圭纁

天子五采五就公
侯伯皆三采三就



壁繖皆二采二就




考工記鎮圭尺有二寸天子守之命圭九寸謂之桓圭
公守之命圭七寸謂之信圭侯守之命圭七寸謂之躬
圭伯守之天子執冒四寸以朝諸侯天子用全上公用
龍侯用瓚伯用將註全純玉也龍瓚將皆雜名也卑者
下尊以輕重為差玉多則重石多則輕公侯四玉一石
子男三玉二石按雜記圭皆博三寸厚半寸剡上左右
各寸半則凡圭中皆為脊上首尖銳末間有刻也有刻
則為瑑圭璋八寸璧琮八寸以頰聘穀圭七寸天子以

聘女矣桓如桓桓武王之桓謂玉勝石也駢則微雜之而已信同伸玉不為之屈以石為贊助而已躬則玉為之屈而石多將大矣書大傳曰古者圭必有冒言下之必有冒不敢專達也天子執冒以朝諸侯見覆之之故冒圭者天子所與諸侯為瑞也瑞也者屬也無過行者得復其圭以歸其國有過行者留其圭能改過者復其圭三年圭不復少黜以爵六年圭不復少黜以地九年圭不復而地畢此所謂諸侯之於天子也義則見屬不

義則不見屬孔氏曰諸侯即位天子賜之命圭首邪銳則冒當邪刻其廣狹如圭首然冒之以知諸侯之信偽猶今之合符也白虎通曰諸侯薨使臣歸瑞珪於天子何諸侯以瑞珪為信今死矣嗣子諒闇三年之後乃當更爵命故歸之推讓之義禮曰諸侯薨使臣歸瑞珪於天子聘禮曰所以朝天子圭與縹皆九寸剡上寸半厚半寸博三寸縹三采六寸朱白蒼間諸侯朱綠縹八寸皆玄纁繫長尺紃組注曰雜采曰縹以韋衣木板飾以


五色再就所以薦玉重慎也九寸上公之圭也二采再就降於天子也采成文曰紉繫無事則以繫玉因以為飾皆用五采組上以玄下以絳為地疏曰凡言纁者皆象水草之文天子五采公侯伯三采子男二采木板大小如玉

璋




考工記三璋皆厚六寸則其首甚厚皆半圭矣不言博亦二寸與公平曰璋判曰弓繡質毘青純註半圭曰璋白藏天子青藏諸侯則色不同矣

璜




琮



說文大八寸
似車釭外八
角凹中圓虛
也白虎通云
內圓象陽外
直為陰外牙
而內奏象衆
會也故謂之
琮

琥




考古圖博
長八寸六分
將搏捲尾
屈足俯地
而伏

周禮小行人合六幣圭以馬璋以皮璧以帛琮以錦琥以黼璜以黼宗伯以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方蓋璋乃圭之半牙璋以起軍旅則刻其判合之處也圭規圓其首之銳則為琬圭九寸而縹以象德圭規圓首而界別中脊則為琰圭九寸判規以除慝以易行其制自圭而起也璜乃璧之半刻之則為琬全而楯之則為璧羨度尺好三寸以為度棱其外則為大琮十有二寸射


四寸厚寸是謂內鎮宗后守之其制自璧而起也蓋十二寸分為三其兩旁四寸皆去角為八方留中之四寸故曰射四寸又曰駟琮五寸宗后以為權駟琮七寸鼻寸有半寸天子以為權春秋楚子埋璧平王再拜皆壓紐則琮璧皆有鼻矣為卣植四圭尺二寸典瑞所謂四圭有卣以祀天旅上帝為卣植兩圭五寸所謂兩圭有卣以祀地旅四望卣本也或圓或方未可知或曰如方明則天地皆方無別其卣圓如璧植圭五寸殺於祀天

所謂圭璧以祀日月星辰其卽射八角如琮植璋素功
殺於祀地所謂璋卽射以祀山川以造贈賓客考工記
作璋卽射素功以祀山川以致稍餼

璋
瓚



圭瓚




按九寸七寸之辨中皆射四寸圖為
槃則圭瓚當倍之射八寸矣漢禮瓚
槃大五升口徑八寸下有槃口徑一
尺鄭玄引叔孫通之作而誤以圭為
龍頭流若云瓚勺大五升口徑八寸
下有盤口徑八寸則義自明矣

考工記裸圭尺有二寸有瓚以祀廟又云大璋中璋九寸邊璋七寸射四寸厚寸黃金勺青金外朱中鼻寸衡四寸有繅天子以巡狩宗祀以前馬大璋亦如之諸侯以聘女按九寸七寸璋中皆射出四寸則中圓矣前後各留璋本質為受授執耳即今之臺盤加柄耳考古圖尚有一盤如此制而前後柄圓耳其勺則以黃金為之青金外朱中象外黑內采如祭器意有鼻寸所以舉也圭瓚之制亦如之但制長大耳謂之瓚者取金贊相而


已白虎通言九錫之禮曰孝道備者錫以秬鬯圭瓚宗廟之盛禮也玉以象德金以配情芬香條鬯以通神靈玉飾其末君子之性金飾其中君子之道君子有黃中通理之道美素德金者精和之至也王者德美之至也鬯者芬香之至也君子有玉瓚秬鬯乎詩瑟彼玉瓚黃流在中是也先儒以鼻為流以為連槃何所據乎王度記曰天子以鬯諸侯以薰大夫以蘭芝士以蕭庶人以艾秬者黑黍一稊二米鬯者以百草之香鬱金合而

釀之成為甕使達於墻屋入於淵泉所以灌地降神也
玉瓚者器名也所以灌甕之器也以圭飾其柄灌甕貴
玉器也

夏 琖



古人席地坐
故器皆有足
且高以便飲
食後世有桌
而復用琖爵
邇且類失其
義矣



博古圖高八寸三分深三寸四分徑長五寸五分濶三寸一分容七合有蓋銘三字曰作祖一兩面為雷紋饗殮盤飾以牛首舊以為類父己角而特小非又一器高六寸五分深二寸八分口徑長六寸三分濶二十九分容五合銘五字曰作父丁尊彝以為爵亦非俱殘也又一器高二寸四分深二寸三分口徑長四寸濶三寸五分容八合兩圈耳無銘腹為雲雷舊以為卮亦非乃圈

足殘也方言云盥

雅

械

音絨

盥盥

薄池反

間

呼雅反

盥

音章

盥

音摩

柶也秦晉之郊謂之盥

所謂伯盥者也

自闕而東趙魏之間曰

械或曰盥

最小也

或曰盥其大者謂之間吳越之間曰盥

齊右平原以東或謂之盛柶其通語也陳祥道曰爾雅

鍾之小者謂之棧晉元興中剡縣民井中得鍾長三寸

口徑四寸銘曰棧則棧卑而淺矣夏爵命之以殘蓋其


制若棧然矣按鍾有甬則盥有足矣或圜足或三足猶

他器然博古云殘從殘故三足象戈然殘從東帛殘殘


之殘淺小也水之小者曰淺金之小者曰錢乃而小者

曰殘貝之小者賤意其論有足則是淮南子闕於盤水
則圓於杯隋面形不變其有所圓有所隋者所自闕之
異也則狹長而隋矣


殷筆篆文筆象形




周爵




觚



解比觚短古作觚



角此觚無稜猶方
壺圓壺方圓蓋意



斚博古圖高一尺深三寸八分口徑五寸五分容三升
六合兩柱三足有盤無銘是器盤足純素服布山紋間
以雲雷饗饗又有款足作觚校者大小容一升至四升
八合春秋傳曰燕人以斚耳賂齊則斚仍夏琖而有耳矣
考古圖云父丁爵高七寸五分縮五寸有半衡二寸有
半深三寸柱高二寸足高三寸容二合有半前若噉後
若尾足修而銳其全象雀其名又曰舉其量有容升者
二合半乃古一升則可謂之爵無疑今兩柱為耳所以反爵於

圻如鼎敦蓋以二物為足也又云舉亦爵觶之名因獻
酬而舉之故銘其器曰舉如杜蕢洗而揚觶以飲平公
因謂之杜舉是也按博古圖有容至五合者圻兀九兀
已皆作舉字尊觶卣鼎皆銘之但恐非舉字別有義也
其論爵取雀之象字通於雀則是

觶考古圖高尺一分口徑五寸有半深六寸有半足徑
二寸深三寸有容六合足半之李氏錄云此器口可容
二爵足容一爵禮圖所謂二升曰觶也腹作四稜削之

可以為圓故曰破觚為圓足之四稜漢宮鳳闕取以為

角隅

今四隅乃安獸處


故曰上觚稜而棲金爵博古圖有容四


合至一升者又云古人恭慎凡酒器執之恐墜觚為稜以礙手狀如今之屋脊故後人以屋脊謂之觚稜者是也
觚博古圖高四寸九分深四寸口徑長二寸五分濶二寸二分容五合其制圓而隋旁著饗饗之紋足有四目以取尊寓黃目之意其腰則雷紋饗饗互為盤詰或飾或素大小四合至八合

角博古圖高一尺三分深七寸九分口徑四寸八分容
一升二合此觚無稜郭按角以角為之兕一角長三尺
故曰兕觥其觥觥曲起貌觥角貌春秋傳曰郊牛展觥角
而知傷是也角制細高於觚而無稜舊混於觚非也明
堂云璧散璧角則二器口圓可知



散
去
一名
卮





考古圖深二寸三分縮四寸九分衡六寸有半旁一耳
有承槩如舟有足黍量校之容三升四龠按古之杯形
皆狹長也此器亦然又一器深二寸徑四寸有半容一

升旁一耳乃古酒卮按後器與三禮圖散制同散如散
材散綏之散爵外雜下者也亦無等別飾莊子云卮言
日出乃非正言也故又謂散為卮云實一物也有足曰
案無足曰盤前器下乃案非承槩也玉人案十有二寸
栗栗十有二列註謂栗栗實於器而加于案則又可盛


他物矣說文卮圓器也一名觶所以節飲食象人日在其下應劭注古作觶飲酒器以角作受四升按此則又以卮卽觶而容不同義未詳

特牲禮簋在洗西南順實二爵二觶四觶一角一散博雅韓詩說一升曰爵二升曰觶三升曰觶四升曰角五升曰散梓人為飲器勺一升爵一升觶三升獻以爵而酬以觶一獻而三酬則一豆炙食一豆肉飲一豆酒中人之食也鄭氏謂觶當為觶古書觶從角氏與觶相涉

故亂之耳按觶觶卑者以角為之尊者則皆以象燕禮
大射以象觶之觶獻公則諸侯以上用象可知司正飲
角觶士喪禮奠角觶則大夫以下用角可知明堂云加
以璧散璧角天子散角尚飾則觶觶飾以璧可知琖單
則天子通以玉為之所謂玉琖春秋傳瓘瓘是也諸侯
不得用故曰琖瓘及尸君非禮也爵則周之制雖上下
通用而各有等別玉爵天子所用也以金為之飾以玉
曰瑤爵后與諸侯所用也內宰后裸獻則贊瑤爵是也


大夫以下豈用象以金飾之歟士虞禮主人廢爵無足者也主婦足爵無飾者也賓長總爵口足間有橫紋如屨之意也書言上公奉同王受同三宿三祭三啖則同正廢爵如角者也然通名曰爵實之曰觴

匏



博古圖長一尺一
寸五分深一寸二
分口徑三寸三分
容三合如匏而半
之

勺




蒲
勺

䟽
勺

龍
勺

斗




斗
即
料

梓人為飲器勺一升三禮圖黍尺長二寸四寸口橫徑四寸半中央橫徑四寸兩頭橫徑各二寸深一寸受一升皆漆赤中丹柄端按勺有流刻龍首曰龍勺止䟽通首曰䟽勺為鳧頭形其口微開如蒲草本合而未開曰蒲勺皆挹酒於尊注於爵者也以櫛音展木為之曰櫛勺一曰素勺斗以木為之故又作料猶登以金為之作鐙鄭氏讀斗為主按主古文斗字易見斗作見主後世讀賓主之主非也毛氏曰大斗柄長三尺蓋勺小挹於尊

斗大挹於壘者也斗又可挹水前有流如勺若鑊斗可
溫物則作流於旁李氏錄詩云維北有斗不可以挹酒
漿此斗乃可挹者也又曰挹彼注茲此有流乃可注也
於文斟從斗即此器酌從勺則用勺也聞長安有人收
一器刻曰杜陵馮氏銅鑊廣韻云鑊刁斗也溫器三足
而有柄蓋謂之斗者有魁有柄取象於北斗也按史記
趙襄子使厨人操銅斗以食代王及從者行斟陰令宰
人各以料擊殺代王及從官古者行食以料所以盛美

清也其形制雖不同凡有柄有流三足可以溫物而斟之者皆斗也



三禮圖卷三